

انه ياهو وخادم مسميني
وبالمجالس ما متعب عيني

حسين... يا اول بشر يكرم عبده
حسين... من يثرب احبك مو جديده

وبالمجالس ما متعب عيني

يا ال يثرب عد بشر اول كرامه
انه بيش اتعلك بيوم القيامة
اليحب مثلي شيوضح عن هيامه
وانه يكبر راسي بيك من الخدامه

حسين... بيك اكبر سيدي من افضالك
حسين... ما مسوي احجايه من افعالك

انت ليش بصيتك مسويني
وبالمجالس ما متعب عيني

شكد غرور براسي ابدما ينغفر
وانه ابد ما خاسف عليك الصدر
ليش مدري؟ ومدري شنهني؟ وشنتنظر؟
واذنوب وياك وادور عن عذر

حسين... يالفضل بعطفك اعله الوادم
حسين... اخطأ وياك واردين نادم

شكد عظيم لخدمته مدنيني
وبالمجالس ما متعب عيني

بالمجلس اكعد سيدي بس العجيبه
ماكل وجه هاي الخدم بالغيبه
كل خادم تحبه البشر من طيبه
بس اني شاطر سيدي بتعذيبه

حسين... عذبتك بطعناتي حد ما تنلجم
حسين... بذنوبي كاسر كلبك و حارك خيم

شما اجرحك انت التحاميني
وبالمجالس ما متعب عيني

غلطان وياك شكتر اني بحياتي
المشكله عليك انحسب بحقر صفاتي
وادريك تتلكاني لو جيت بمماتي
ضمني ليك وكلشي يرخصلك يغاتي

حسين... بالكبر يلحكني مثلك منو
حسين... بس انت تستاهل نسميك ابو

كل هذا وانت بخيرك مغطيني
وبالمجالس ما متعب عيني

خادمك اني وتأدبني اعله كيفك
احسبني عبداً عد خدم تخدم مضيفك
اني ما عطشان لحظه بجمر صيفك
ريتك اتلوعني خاطر ما اعيفك

حسين... ياعكال الما كدر واحد نساك

حسين... بداعت رقيتك تعيشني بهواك

ذنوبي كثره وانت الادليني
وبالمجالس ما متعب عيني

سيد احمد الميالي